

Monseigneur

A Monseigneur

Monseigneur le Prince
De Orange

nr. 269.

1. Forres

J'ay receu les Lettres qui est a plu a vostre Excellence
de m'envoïer, pour faire tenir a Monsieur de Sully
ce que j'ay fait, et crois qu'il les a receus a present et
j'envoïe a vostre Excellence une lettre que le Roy mon
Maître vous escrit: je crois Monseigneur que vous
estè advertij de la Mort de son Altesse, qui fust
le dixieme du present, selon le vieu allemande.
Cela a beaucoup trouble cette cour. La Reine sa Mere
se porte son heritiere, et a pris l'ambroij en sa protecti-
on, et a envoïé Balagnij pour commander devant
en son nom. L'on attend les Deputes de Mess^{rs} les Estats
et crois que l'on avisera avec eux des moyens de
leur donner quelque secours, et pense que la
Reine voudra entrer aux mesmes conditions, que l'on
avoit accordé a son Altesse. Le Roy mon maître
s'est acheminé en ^{France} ~~France~~, et la il attendra le commande-
ment du Roy pour passer en Languedoc pour voir
Monsieur de Montmorancij, et achever de pacifier
toute cette province. Monsieur de Belliebat est
avec luy, et crois que avec le bon commencement
qu'il y a que toutes les divisions, qui sont en ce pays
seront accordées. Apres les obseques de son Altesse
le Roy s'en va en Normandie. Voilà ce qui se passe
ici, et supplie Dieu qu'il vous doinst

Monseigneur, tres heureuse et tres longue vie
A Paris ce 15. Juin. (1584)

Vostre tres humble et tres obéissant
Serviteur
Chassigneourt.